



RELATÓRIU TRIMESTRÁL FUNDU MINA-RAI NIA
Trimestre ne'ebé termina iha 30 Setembru 2015
KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Haat nulu resin ida ba trimestre ne'ebé termina iha lora 30 fulan Setembru tinan 2015. Relatoriu ne'e hatudu katak kapitál Fundu nian iha trimestre ikus ne'e mak billiaun US\$16,44 kompara ho billaun \$16,86 iha fim trimestre dahuluk.

Relatóriu ne'e mós hatudu katak totál reseitas mak simu iha trimestre ne'e hamutuk miliaun \$218,29 ne'ebé kompostu housi kontribuisaun kontribuente sira ba Fundu hamutuk miliaun \$102,17 no pagamentu *royalty* simu housi Autoridade Nasionál Petróleu (ANP) miliaun \$116,12.

Rendimentu housi investimentu Fundu nian ne'e hamutuk miliaun -\$450,94 kompostu housi kupaun no jurus ne'ebé simu mak miliaun \$78,63. mudansa iha valór merkadu nian miliaun -\$431,78 no movimentu cambiais mak millaun -\$92,51 iha trimestre ne'e. Ne'e rezulta rendimentu ba karteira Fundu nian durante trimestre ne'e -2,61% enkuantu rendimentu sasukat (*benchmark*) nian ba periodu ne'e mak -2,70%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referensia iha trimestre dala haat nulu resin ida dahuluk. Diferensia entre portofoliu no pontu referensia hahú housi inísiu fundus nian mak pontu baze 3 (0,03%).

Pontu importante housi Relatóriu Trimestre ba dala XLI, ne'ebé kobre períodu 01 fulan Julhu tinan 2015 to'o lora 30 fulan Setembru tinan 2015, inklui:

- Kapitál Fundus nian mak billiaun \$16,44
- Osan kontadu bruto fundus nian tama housi kontribuisaun kontribuente, realeza (*royalties*) hamutuk millaun \$218,92.
- Osan kontadu liquidu ne'ebé sai housi Fundu durante trimestre ne'e hamutuk miliaun \$198,01, kompostu housi miliaun \$193,50 transfere ba Orsamentu Estadu no miliaun \$4,51 kobre kustus jestaun nian.
- Reseitas likidus durante trimestre ne'e hamutuk miliaun \$20,28.
- Rendimentu portofoliu iha periodu ne'e mak -2,61% kompara ho rendimentu referensia mak -2,70%.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor-Leste nian www.bancocentral.tl

Dili 6 Novembru 2015

Venancio Alves Maria
Diretor Ezekutivu
Jestaun Fundu Petróleu
Banco Central de Timor-Leste

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: [info\(at\)bancocentral.tl](mailto:info(at)bancocentral.tl)